
L'ESPAGNOL FRANÇOIS.

C'ESTOIT certes vn tres-sage discours celuy duquel s'entrenoient les Courtisans de Darius pendant que leur Maistre dormoit, demandans les vns aux autres, quelle estoit la chose plus forte du monde: Et bien que la response de chascun d'eux fust tres accorte, l'vn disant que c'estoit la Femme, l'autre le Roy, & le troisieme le Vin: La sentence toutesfois qui fut donnee en faueur de la Verité emporta le prix & la palme, estant deu à elle seule le tiltre de Forte, Immortelle, Inuincible, & Victorieuse. Plusieurs grands & rares esprits fondez sur ceste maxime ont mesprisé de respōdre aux malicieuses calomnies dont ses enuieux se sont efforcez de ternir son lustre & sa beauté, luy laissant comme à la plus puissante la vëgeance d'vne si lourde & si griesue offence, assurez que le temps & l'experience vrays interpretes de la verité, reprimeroyent à la parfin, & chastiroient la hardiesse & impudente temerité de ceux lesquels au euglez de passion crachent contre le Ciel, & regimbent cōtre l'esperon. La mesme raison me rendoit excusable, & sans obligation de prendre la plume, considerant que par vn approuué silence le grand tort fait à la Verité estoit vniuersellement tesmoigné de tous: Mais voyant que par la profonde taciturnité, les forces de son contraire estoient

*dup
not
catalog*

de beaucoup augmentees à son tres-grand
preiudice; Je me suis resolu comme ia loux de
de ceste belle vertu de faire veoir à ses enne-
mis, qu'il s'est trouué vn Phinees, lequel d'v-
ne claire & parlante voix la deffend entre
tant de muettes langues. Qu'aucun n'at-
tende de trouuer ce petit discours bigarré
d'enigmes, emblefmes, ou equiuoques, dont
ceux ausquels la raison manque, ont accou-
stumé de farder & fortifier leurs satyriques
escrits, ne voulant donner aux malitieux su-
ject de dire, qu'à faute de raison ie me suis
couuert souz le desguilement d'vn langage
affecté. Et si au cours de ma narration il se
rencontre quelques periodes qui comman-
cent la verité sans la declarer absolument, ce
sera pour donner moyen au prudent Lecteur
de contribuer quelque chose du sien à ceste
mienne entreprise; soubs entendant ce qui se
trouuera trop succinctement traicté en cest
escript: ie ne suis esmeu, & ne me suis proposé
que le but honorable de la verité, & d'animer
la honteuse lascheté iusques à present mon-
tree en sa deffence, & n'y pretends autre fruit
que d'engendrer dans les esprits François vn
repentir de s'estre portez si laschement, & y
exciter vn ardent desir de ne plus souffrir que
la verité soit à l'aduenir deschiree par les me-
disantes & serpentines langues d'vn tas de
Cathedrans de pestilence, & philosophes sans
bonnet.

Je suis Espagnol, ie le recognois librement,
n'y ayant aucune raison, hypocrite ou vaine

pretention qui me puisse induire à nier la patrie qui m'a donné l'estre duquel ie iouys. Je suis aussi François, n'estant redenable à l'Espagne que de la seule naissance, puisque mon origine est François, duquel antecédēt l'on pourra veritablement conclure, & iuger que mon discours n'est conduit ny mon intention portée d'aucune passion ou particulier interest qui me puisse obliger à dire autre chose que la verité, m'estant impossible de cōbatre pour ma patrie sans offenser celle de mes peres. Moins encor pourra dire celuy qui trouuera quelque aigreur aux veritez que ie vay desduisant, que les nombreuses faueurs d'Espagne m'obligent de parler à son aduantage, & aussi peu que les gratifications Françoises ayēt corrompu ma plume: ma pauvrete m'exemprāt du premier, & le lieu où ie suis maintenant logé me seruant de fidelle tesmoing du second. La seule verité me pousse, c'est elle que ie proteste, & veux suivre, & sous les aisles de laquelle ie me veux couvrir, & m'en seruir de bouclier contre ceux lesquels rencontrans peut estre dans ce peu de lignes plus qu'ils ne voudroyent entendre, attribueroyent à temerité ce que la force de la verité me contrainct d'escrire. Les esprits François sont certes tres-vifs, penetrants, & desliez, ie ne le veux ny puis nier. Mais ils le seroyent parfaitement, si leur subtilité n'estoit si fort tributaire de l'enuie, & subiecte à la passion, estāt certain qu'un esprit ne peut estre trouué ny estimé bon, lequel pour monstrier sa gen-

tilleſſe ſe porte à la medifance, diſſolution, &
 mordacité, eſtât vn effect pl^r propre de l'igno
 râce & baſſeſſe, que de la vertu & bôté: Perſo
 ne auſſi ne prenne ma propoſition pour vni
 uerſelle, car mon intentiō eſt de blaſmer ceux
 la ſeulement leſquels pour couurir leur igno
 rance & malice, ſe ſont cachez ſoubs le nom
 de Caton, Diogene, Caſſandre, Pacifique, &
 ceux leſquels eſcoutans auec plaſir leurs im
 prudentes & mal tiſſues conceptions, louēt
 comme ſubrils & bien entendus ceux qui ont
 l'aduantage en impudence effrontee. De
 telles gens l'on ne doit rien attendre de veri
 table, puis que le tiltre & commencement de
 leurs liures eſt meſonger: L'vn eſcript ſous le
 nom de Caton vn traicté pernicieux remply
 de choſes indignes d'eſtre produictes ſous le
 nom d'vn ſi graue & ſi ſage auheur: L'autre
 pretend authoriſer ſes meſchantes intētiōs,
 accompagnant ſes infames equiuoques du
 nom de Diogene: L'autre s'eſt imaginé qu'il
 mettroit ſon impertinence en credit, s'il lo
 geoit ſes ſalles diſcours dans les rares perfe
 ctions de la chaſte Caſſandre: & le dernier
 commençant par vn tiltre Pacifique finit ſon
 diſcours, perſuadant la guerre & ſonnant l'a
 larme. Ie ne ſçay ſi ie les doibs appeller lar
 rons, & pauures d'eſprit en ayants ſi peu
 monſtré dans leurs eſcrits qu'au trauers d'vn
 grand amas de parolles) bien agencées à la
 verité) l'on cognoit facilement qu'ils n'ont
 peu dérober autre choſe que les noms par
 eux employez en teſte de leurs eſcripts. Et

encor que leur incapacité se descouure facilement, leur inclination ne laisse toutesfois de les contraindre de tesmoigner la rage qui les brusle de ne pouuoir empieter les dignitez que les autres possèdent. A ceux-là ie responds, c'est à eux que ie parle, & ausquels mon discours s'adresse à fin d'essayer si par iceluy, ie pourray gaigner les œuvres de misericorde, dissipant leur passion par la verité, & leur ignorance par l'experience. Que s'ils me veulent promettre d'admettre les douces & veritables raisons cōtenues en ce petit escrit, ie les puis asseurer que tres-volontiers & d'une profonde humilité ils demanderont pardon à la verité d'auoir temerairement & in iustement parlé contr'elle, & qu'ils me scauront gré de les auoir détrompez.

Toute la machine des discours embrouillez de Caton, & de sa suite se reduisent à quatre principaux poincts, assauoir le Mariage d'Espagne, la Fortune du sieur Marechal d'Ancre, le Compte qu'impertinemment & sottement ils demandent à la Reyne des thresors, qu'à leur dire la Couronne pouuoit auoir assemblez depuis la mort du feu Roy de tres-glorieuse memoire; & la rage qu'ils ont que nostre Roy ayt trouué bon d'establir la Reyne sa mere chef de son Conseil en son absence, & que sous ce tiltre elle conduise les affaires d'Estat pendant les tendres anneés du Roy son fils. C'est-là l'enclume sur laquelle ces Vulcaniens & lourdauds Cyclopes deschargent à bras voutez les fu-

rieux coups de marteaux de leur frenesie, & avec quoy ils esmeuent le branle du plus rude & grossier populaire. C'est la lice ordinaire par laquelle ces poulains mal domptez commencent leur carriere, faisans les ruades & mauuais maneiges que leurs sēblables ont accoustumē de faire auparauant d'auoir passé sous la main de l'Escuyer : & bref c'est dans ces quatre poincts que sont encloses toutes les chimeres, fumees & murmures, esmeus par ces petis imprimez que l'on veoid courir par tous les estauts, boutiques, & cabarets du Royaume, au tres-grand prejudice de l'autorité souueraine de ce florissant Estar. Tous ces mastins & chiens enragez y mordent furieusement & sans relasche: mais nonobstant cela puisque i'ay donné ma foy à la verité, & me suis obligé de parole d'executer fidèlement ma charge, quoy que ma liberté me pronostique quelque chose de mauuais, ie ne le celeray point, ains le diray haut & clair, le baston & non le pain est le vray & seul remede pour arrester la faim de telles canailles.

Quant au mariage d'Espagne, si ce faux Caton avec sa suite eust retenu avec le nom d'un si grand homme quelque chose du Thresor de Salomon, il eust considéré que ce miracle (car ainsi le puis-je appeller) pouuoit seul conuertir l'inimitié mortelle, & l'extresme anthipathie de tout temps recogneuē entre ces deux nations en la plus glorieuse vnion que la terre scauroit de-

sirer, & que n'estant pas à propos (suiuant le conseil diuin) que le Roy tres-chrestien demeure seul, ains necessaire de luy donner vne ayde semblable à luy, il est impossible d'en trouuer vne si parfaicte & accomplie dans la race d'Adam que ceste singuliere Phenix ordonnee au Ciel, & que la terre a produicte pour ceste diuine fleur, les racines de laquelle ne peuuent estre dans leur centre naturel, si elles ne sont plantees dans ce terroir tres-fecund, particulierement fauorisé des influéces celestes, à fin de nous laisser par le moyen de son vnion avec ce diuin Soleil vn fruiçt miraculeux, lequel annoblisse la posterité. C'est la semblable de nostre grand Monarque, nulle autre ne peut meriter au monde d'estre ioincte, & vnie avec luy du S. & sacré lien d'amour coniugal estably par le S. Esprit. Et pour cognoistre & iuger au vray que la seule Infante d'Espagne, est predestinee pour l'Espouse de nostre grand Roy, il faut que Caton desuoile son entendement, & l'infame Casandre oste les cataractes de ses yeux & ils trouueront que le Ciel offre ceste Alliance avec la main, pour y auoir vne tres-heroïque correspondance entre les deux subiects. Car le nom du Roy contient treize lettres, il auoit treize ans lors que le mariage fut resolu, & il est le treziésme du nom. Treize lettres composent aussi celuy de l'Infante, son aage est de treize ans, & treize Infantes de mesme nom se trouuent dās la maison d'Espagne: la stature reciproque de leurs corps est telle-

ment esgalle qu'il semble que la nature ayt derobé le compas à la Mathématique, ou pris sur l'un le modelle de l'autre. Ie ne croy pas aussi que l'on estime la maison d'Autriche inferieure de beaucoup à celle de Bourbon en Noblesse de sang. Et sont tellement esgallees les conditions qu'ils ne se peuuent plaindre l'un de l'autre, puisqu'un Catholique donne ce qu'un tres-chrestien reçoit. Et si nous voulons considerer les vertus dont leurs esprits sont enrichis, nous y trouuerons vne ressemblance admirable; & qu'en prudence, discretion, magnanimité, & desseings genereux, ils se rapportent diuinement bien. En ce qui est des biens de Fortune, chascun reconnoist que ceste fertile partie de l'Europe se peut esgaller en bonté aux trois autres parties qui en sont separees. Y aura-il dōc quelqu'un qui apres auoir consideré ce que dessus puisse reuoker en doute, que ceste diuine Infante ne soit l'Espouse & Compagne celestement promise & reseruee à ce grand Roy. Le Soleil de ce Ciel, la Salemande de ce feu, le Phenix de ceste region, la Terre de ceste plante, & l'Eue de nostre Adam, non pour le faire pecher comme pourroyent gloser les malicieux, mais au contraire pour donner le commandement à la gloire du monde par l'illustre Posterité que l'on en attend ?

Pourquoy donc medisante Cassandre veux-tu par ta malicieuse passion détourner le present enuoyé du Ciel à un si grand Monarque ? Quelle disparité ou discordance trouue-tu en ceste

ceste si neccessaire alliance, voudrois. tu point
 alleguer pour tes raisons la lezion que ton
 predecesseur veut faire trouuer dans les arti-
 cles du mariage en ce qui concerne la succes-
 sion ala Couronne: ce seroit en vain, & mal à
 propos, car supposé que la France ne tient
 pas l'Espagne pour inegalle, il estoit raison-
 nable que toutes les conditions fussent pareilles,
 & quel'Espagne ne donnast à la Frâce qu'au-
 rant qu'elle en receuoit, l'égalité ne pouuant
 souffrir aduantage ou suiection aucune: L'on
 ne doit donc trouuer estrange si les Espagnols
 refusent vne condition, laquelle pourroit
 avec le temps assuiectir leurs descendants
 à vne nation estrangere, quin'est point ex-
 posée à pareil hazard au party quel'on traicte
 avec elle. Ce n'est donc pas sans tresbonne
 raison (ainsi que tout homme non passionné
 iugera) s'ils refusent de donner vn aduantage
 auquel ils ne peuuent iamais esperer de par-
 uenir, & ne se peut on iustement offenser, ny
 tenir la senerissime Infante pour desheritee
 (comme l'infame Cassandre veut persuader)
 si les loix & coustumes d'Espagne ne sont pra-
 tiquees exactement en ce traicté, estant cho-
 se presque inuiolable de les garder lors seule-
 ment que les filles contractent mariage avec
 des Princes du mesme sang, lesquels par legi-
 time succession peuuent paruenir à la Cou-
 ronne, & non pas lors que l'on les marie en
 maison estrangere & avec des Princes d'un
 autre race. Car s'ils le faisoient ils seroyent
 infidelles à leur propre sang, soubsmettant

leur pays à vne domination estrangere. Les François mesmes me seront fidelles tesmoins de ceste verité : car pour quoy que ce soit ils ne voudroyent permettre que leur posterité peust estre assuiectie à la retenue & feuerité des Espagnols, ny d'aucune autre nation pour ne soubsmettre la franchise & liberté del'humour peculier à leur nation à la contraincte d'autrui. C'est pourquoy eux qui sont fermes en ceste loy naturelle ne doiuent pas avec raison pretendre vne inegalité si visible, ny s'offencer si les Espagnols ne se peuuent résoudre à l'accorder,

La peur & l'apprehension extreme que Caton & sa sequelle resmoignent parlant de ceste alliance, n'est produicte d'autre cause que d'une lascheté, & manquemet extresme de courage ne pouuant estre imputé qu'à couardise signalee, que ceux qui sont en leur propre maison redoutent l'ennemy qui en est esloigné, ny magnifier la force & le pouuoir Espagnol sans deprimer celui du François. Que s'ils ont opinion qu'au moyen de ceste alliance l'on doie introduire des coustumes Espagnolles & des ordonnances toutes nouuelles, au detrimet de la liberté en laquelle la France s'est conseruee tant de siecles (comme il semble que les Calvinistes s'y imaginent) n'est ce pas donner des indices manifestes de peu de prudence & sagacité, d'attendre & craindre qu'une nation estrangere reforme & corrige les Loix & coustumes de leur Royaume naturel, & d'estre vaincus

par celuy qu'ils tiennēt pour ennemy. Qu'ils
 interpretent & glosent leurs chimeres & fan-
 tastiques grotesques comme bon leur sen-
 blera, si ne sçauroyent-ils faire que ceste leur
 imaginaire crainte ne preiudicie grandement
 à la rare prudence de la plus sage Reyne qui
 ayriamais porté Couronne. Car il ne peut ny
 doit iamais tomber dans vn esprit bien fait
 que sa Maiesté vueille introduire aucun trou-
 ble ou remuement dans ses Estats. Comme
 les nombreuses difficultez qu'elle a doucemēt
 vaincues pendāt sa Regence, (beaucoup plus
 grandes que la malice Espagnole ne sçauoir
 controuuer) font plaine & entiere foy. Son
 Cōseil est il pas composé des trois fermes co-
 lonnes & vrais Peres de la patrie: lesquels ont
 tousiours rendu tesmoignage de leur affectiō
 & zeile, & de sçauoir aussi bien les moyens de
 conseruer la paix entre les François que ceux
 qui sont necessaires pour reprimer les entre-
 prises de l'Estrāger ou del'Espagnol s'il attē-
 toit ce que vainement l'on soubçonne. Mais
 comment est-il possible que ceste eschole d'i-
 gnorāce ne recognoisse point l'outrage qu'el-
 le fait à la valeur singuliere de nostre Grād &
 premier Prince du Sang, & de Messieurs les
 Pairs de France? Et comment ne rougist-elle
 point de publier son imprudence & lascheté,
 & de dire qu'il est à craindre qu'un estranger
 introduise des loix nouuelles en ce Royaume
 & qu'il n'en chasse les naturels habitans? Quel
 outrage fait-on à ceste braue & genereuse
 nation, de publier telles inepties, imprimees

par l'vniuers. Et quoy? à l'on peut-estre iamais veu la France necessiteuse de conseil? Se trouue-il qu'elle en ayt esté mädier chez les nations estrangeres? Ceste prouince n'est-elle pas la glorieuse Athene, & l'Oracle des autres nations? Le Conseil de son Roy n'est-il pas composé des trois peres de la prudence & de la fidelité auxquels le plus grand Roy que la terre ayt iamais soustenu, auoit confié les clefs de la Couronne. Combien donc vainement presume-ton que l'Espagnol sous couleur d'un religieux pretexte puisse alterer la liberté qui est naturelle aux François, leur Roy spécialement gouuernant son Estat par l'aduis des trois plus prudens esprits, & plus rares personnages qui se soyent iamais entremis des affaires d'un Estat. Certes par le peu de raison & d'apparence que ces mauuais Escruains deduisent pour couvrir la rage dont ils sont bruslez, l'on peut entieremēt cognoistre que tous leurs desirs sont appetits de femme grosse, abhorrant ce qui luy est plus vtile, & recherchant son propre dōmage : Et face Dieu que leur couche ne soit point mortelle! Seroit-il possible qu'un homme de sain iugement ne fust grandement scandalisé d'entendre les Tailleurs, Charpentiers & Ravaudeurs discourir des affaires d'Estat & vouloir corriger les Conseils des plus beaux esprits de l'Europe, & trouuer mauuais ce qu'ils ont iugé bon, iuste & necessaire? Ce qui pourroit suffire pour iustifier à la face du monde vniuersel que ceste glorieuse Aliance

ne peut estre nuisible à la Couronne Francoise, puisque celle qui la porté, ie dis nostre grande Reyne, par l'aduis de nostre grand Prince, des Peres de la fidelité, & de tous ceux la charge desquels est de procurer les plus seurs moyens pour conseruer la grandeur de leur Roy & de son Estat la trouuee bonne & aduantageuse. Raison si forte qu'elle ne permet pas de s'opposer a ceste sainte deliberatiō seule non pas mesme de la pēsee, ny d'apprehender qu'elle puisse apporter aucun dommage ou sinistre accident, estant impossible non seulement en terre de pieté, Conseil, & crainte de Dieu, mais ny encor entre les barbares & sauuages de se persuader que la mere vueille liurer son fils es mains de ses ennemis, & le Prince son Estat en celles des estrangers. D'où ie viens à inferer que les enuieux & ennemis de ceste celeste vnion ne la pouuans resprouuer ny detourner par bōnes ou aparentes raisons, soustiennent leurs meschantes intentions par la seule passion qui les auengle & qui est fortifiée du secours que le diable leur donne, vomissant du haur des mons Pirenées vne hayne & mortelle anthipathie sur ces deux nations, à fin que par le moyen de ceste zizanie il empesche la maturité du fruiet salutaire & desiré que l'on attend des deux tres-fertilles champs de ceste trionfante & diuine Aliance. Et crois fermement que l'opposition, & contracte qui si rencontre, procedde de ce qu'autant de fois que le Conseil du Roy s'assemble pour effe-

Etuer ceste paix si desirée, vn autre de pestilence s'assemble dās l'enfer pour susciter la guerre, & la discorde, ce viel serpent ennemy du genre humain se preualant de cest efficace moyen, affin d'infecter les hommes de sa mortelle poison, & brusler avec le feu attaché aux queuees de ces renardeaux, les grains & les moissons de la prosperité Françoisse, comme Sanson pratiqua cōtre les Philistins. Et ne peut à mon aduis l'imprudence de ces mauuais conseillers prouenir d'vne cause plus vrgente, que de ceste diabolique inuention qui auengle les hommes pour les empescher de cognoistre que la ruine des infidelles, & barbares nations consiste en l'vniō de ces deux Monarchies, & que le tiltre & blason de Grād Seigneur indignemēt vsuré par vn barbare, & brutal Prince ne luy peult estre arraché que par l'intelligence & communes armes de ces deux Grands Potentats. Deuroyent-ils pas iuger que si ceste infernale discorde n'auoit empoisonné les esprits l'on n'entendrait autre acclamation sur la face de la terre que celle des heureux nōs de Louis, & Philippes, & qu'il n'y a point de puissance humaine capable de resister à ceste vertu, & force vnie? Dis-moy medisante Cassandre, à quelle fin pense tu que tende ceste sage Alliance qu'à l'exaltation des deux Couronnes, & del'Eglise militante? Me voudrois-tu nier que ce ne soit le fouier de l'infidelité le rempart de la Chrestienté, le venin de l'Afrique, la perte del'Asie, l'obeissance de l'Europe, la

lumiere de l'Amerique, la Noblesse de l'Italie,
 l'Empire absolu du monde, & la Paix de ces
 deux florissantes Prouinces. O France, Fran-
 ce, Archiue & depost de la prudence & dis-
 cretion ! Pourquoy par la persuation de ces
 faux propheres refuserois-tu le present sin-
 gulier que le Ciel t'enuoye, & l'obeyssance
 que toute la race d'Adam te vient offrir avec
 ceste Alliance ? eseras-tu point esmeue, (toy
 qui es mere de pieté, & le refuge des affli-
 gez) des plainctiues, & lamentables voix que
 la miserable Grece, que la Bulgarie, Esclauo-
 nie, Armenie & autres prouinces Chrestien-
 nestes vont continuellement adressant, im-
 plorant ta valeur & ton secours, pour les
 deliurer de la dure & miserable seruitude d'un
 infidelle, & barbare Roy ? Mais ie sens que ie
 me transporte, & mon intention n'est pas de
 m'arrester à exagerer combien le monde perd
 par ceste discorde, & balancer le profit qui
 peut reuenir de ceste vnion, esperant quand
 il plaira à Dieu mettre en lumiere vn ample
 Traicté du fruct de ceste Alliance, me suffisant
 pour le present de conclurre, que ny le ciel
 peut faire vne meilleure eslection sur la ter-
 re, ny la terre luy offrir vn present plus agrea-
 ble.

Fort ialoux de la Patrie se veullent monstres
 ceux lesquels interieurement sont des loups
 rauissants (& le monsteroient avec les on-
 gles, s'il estoit en leur pouuoir de dechirer)
 en demandant avec grande instance commēt
 il est possible que la France soit si pauvre, &

non pas riche de plusieurs millions, attendu que par la mort de Henry le Grand, plusieurs despences ont pris fin, & nombre de pensïons ont cessé, lesquelles il distribuoit pour des raisons particulieres reseruees au secret de son cœur. Mais Caton avec sa chaire de pestilence deuroit mourir de honte pour vne si meschante curiosité, si la passion qui le brusle, & non pas le zele qu'il feint luy donnoit le loisir de considerer l'indiscretion & sottise extrême que c'est de demãder au pere de famille conte de son administratiõ, & d'assuiectir le Seigneur à la loy de l'esclau, ils se deuroient souuenir qu'aucun des mortels ne peut sans temerité souhaiter de penetrer dans le secret des Dieux, ny rechercher les causes des effects reseruez à l'empire de la Volonté souueraine. Iene puis m'imaginer ny trouuer de raison suffisante d'vne telle temerité: si ce n'est (affin que ie dise librement mon aduis,) l'humanité, douceur, & desbonnaireté trop grande de la Reyne enuers ses subiects, de laquelle vn tas d'esceruelez ont pris occasion d'oublier le respect qu'ils doiuent à sa Maïesté, vne douceur trop grande engendrant le mespris (comme dit le Prouerbe Espagnol. Et bien quel admirable preuoyance, & prudence rare dont elle a gouuerné l'Estat depuis le funeste & deplorable accident arriué à la Chrestienté en la personne du feu Roy, doïue seruir de responce & satisfaction plus que suffisante: Ie prendray neantmoins la hardiesse de confondre leur malice effrenee, & re-

primer

primer leur punissable curiosités 'il plaist à sa
 Maiesté rapporter à la verité par moy prote-
 stee le trop oser que ie recognois, en mon
 escript, esperant avec la simple & nuë verité
 leur faire voir (si la trop grande passion ne
 les rend du tout aueuglez) que sous l'autho-
 rité souueraine & absolue, il n'y a rien de re-
 prehensible, ny quel'on puisse dire estre con-
 tre l'amour naturel de la patrie, & que sa res-
 pectueuse bonté se veut bien donner la pei-
 ne de contracter la curiosité des sages & des
 ignorants, auxquels celuy qui possede quel-
 que eminente dignité doit en certaine façon
 satisfaire par courtoisie, & non par obligatiō,
 affin que l'on le puisse reprédre avec la maxi-
 me de Sainct Paul. Les bien aduisez monstre-
 ront leur prudence ne s'enquerant pas des
 secrets de leur Prince, & les ignorants reco-
 gnoistront leur faute, si faisant reflexion sur
 leur demande, ils considerent que marchant
 eux mesme sur leurs brides propres ils
 bronchent & tombent au piège qu'ils auoyēt
 préparé pour d'autres. Et affin de leur mon-
 strer l'inuincible force de la verité, laquelle
 avec ses rayons ils essayēt d'ecclipser par l'in-
 teriection d'une nuee d'ambition couuerte
 d'un zeile feint, ie ne me veux seruir d'autres
 armes que des leurs, ny employer pour les
 tuer d'autre venin que le leur, affin qu'en
 tout temps leur propre malice les accuse. Ils
 confessent que nostre feu Grand Roy donnoit
 plusieurs pensions secretes, & consommoit
 grandes sommes d'argent pour conseruer l'a-

mitié de plusieurs natiōs eſtrāgeres, leſquel-
 les ſans cet Antidote luy euſſent eſté enne-
 mies: à plus forte raiſon donc ceſte Cour ōne
 demeurant par la mort priuee du rempart,
 & de la deſſence du Roy, lequel de ſon ſeul
 Nom, faiſoit trembler les extremitez de la
 Terre, la Reyne a deu à force d'argent,
 penſions, & deſpenſes extraordinaires, reſer-
 uees au ſilence de ſa Sageſſe, entretenir celles
 qui ne ſe conſeruoient que par ce moyen, &
 gagner de nouueau les autres que la crainte
 de la valeur de ce Grand Roy tenoit en de-
 uoir & obeiſſance. De ceſte Verité le prudent
 Lecteur tirera pour legitime conſequence
 que la mort d'un ſi grand Monarque a con-
 ſtitué la Couronne en des deſpenſes beau-
 coup plus grandes qu'elle n'eſtoit pendant
 que ce Prince viuoit. Eſtant tres-certain que
 ceux leſquels auparauant l'on gaignoit avec
 dix, maintenant que ceſte force ſupreme ne
 les humilie plus, ne ſe contenteront de tren-
 te. Et quand ces raiſons ne ſeroient aſſez
 fortes pour condamner la rage deſeſperée
 qui les tranſporte, il me ſemble qu'elles ſe-
 roient ſuffiſantes pour les confondre en-
 tièrement & les faire rougir de honte d'a-
 uoir demandé compte de ces Threſors,
 puis qu'ils deuoyent ſçauoir comme l'expe-
 rience journaliere teſmoigne, que ſans ce
 moyen il eſt impoſſible de conſeruer la paix
 avec les eſtrangers, & d'appaifer les guerres
 inteſtines & domeſtiques. Ces deſloyaux
 deuroient beaucoup pluſtoſt & avec plus

de raison s'esmerueiller & tenir pour vn miracle que la Couronne ne soit plus necessiteuse & desnuee d'argent qu'ils ne disent, veu les grands inconueniens, & diuers accidēt ausquels il a necessairemēt fallu remedier à force d'argent. Mais graces à Dieu & à l'unique Patron des Reynes Marie de Medicis, laquelle conuenablement à son nom, & par son extreme Pieté, Affection, & Prudence, à rendre difficile aisé, & comme executrice empyrique de son Surnom, a donné la medecine, propre pour la maladie de son peuple. Leurs suppositions sont imaginaires & la Courōne a de quoy combattre l'estranger, & chastier le seditieux domestique. Je ne veux point passer plus aduant encor que la Verité se puisse plaindre que ie l'abandonne au fort de son besoin, me suffisāt d'auoir par les deux points vniuersels cy-dessus donné subiect au prudent Lecteur de se contenter, luy estant facile d'en tirer infinies conclusions veritables, infallibles & toutes aboutissantes au troisieme de la premiere figure, & verifiees par vne seule raison qui les oblige de confesser que la mort de ce bon Prince, a laissé à la Couronne les despences necessaires aussi grandes, comme il estoit Grand en excellence & Vertu par dessus tous les Roys, & entre toutes les nations. Et que pour suppleer à force d'argent la crainte que son Nom auoit espendue entre les ennemis, & peu affectionnez, les deniers que viuant il eut peu amasser, ont esté, necessaires, mais aus-

si grande partie de ceux qu'il auoit as-
 semblés pendant sa vie. Mais ie ne puis dis-
 simuler le grand abus & liberté viciueuse dont
 le bas & vil populaire ternit le lustre de l'au-
 thorité de ceste Couronne, & tesmoigne le
 peu de respect & honneur qu'elle rend à
 ses Roys & Princes Souuerains, voulant par
 son aduis & rustiques opinions controoller
 & corriger ce qu'il n'entend point. Est-ce
 pas vne chose grandement honteuse de voir
 que la lye des hommes entreprennent ce que le
 premier Prince du sang Royal, & le plus sage
 & celebre Parlement du monde ne vou-
 droient pas attenter. Et pour conclusion ie
 voye le peuple si perdu, & si esmeu par l'im-
 pression de la pernicieuse doctrine de ces
 chiens enragez, & la modestie & retenue
 dont l'on doit parler avec les Roys & entre-
 tenir leurs Personnes sacrees si abastardie,
 que ie nem'esmerueille plus s'ils osent de-
 mander compte à la Reyne des Thresors de
 la Couronne, ains plustost ie croy que ceste
 licence effrenee les induira quelque iour à
 demander à sa Maiesté compte de sa despen-
 ce de bouche, & Dieu vueille qu'ils ne preté-
 dent luy limiter le service de sa table, & de sa
 cuisine. I'ai beaucoup dit encor que i'aye peu
 parlé, & pourrois dire dauantage si au temps
 où nous sommes cela se pouuoit sans exposer
 la Verité à la hayne, & celuy qui l'a dit à l'in-
 dignation de ses emuleurs. C'est pourquoy
 ie remets le surplus à l'experiée; laquelle ie
 suis tres-certain; prendra le party, & comme

vn bon Capitaine deffendra la querelle de la Verité. Surquoy me reposant, ie me contéteray d'auoir aduertiy nostre Hypocrate de la contagieuse maladie de son peuple.

Dans tous les infames libelles de ces mordêtes viperes, l'on descouure à veuë d'œil que leur but principal, est de blasmer & ternir s'il estoit en leur pouuoir la reputation du Sieur Marechal Dancre, & la prudence extrême de Madame sa compagne leurs medifances, calomnies, detractions, & mespris, sont les veritables tesmoins de leur passion enragee: Ce sont les ordinaires fruiçts del'enuie, laquelle estant vne plante du Diable & la Racine de la mort (comme dit vn grand Pere de l'Eglise) ce n'est pas merueille si les fruiçts qu'elle produit sont semblables à leur principe, & si depuis qu'elle a pris racine dans le cœur d'vn homme, il est tellemēt peruertiy & corrompu qu'il n'en peut sortir que rage, desespoir & fureur. Par le moyen de ce chancre pernicious qui va sans cesse rongean les entrailles des enuieux & medifants, la detraction a pris telle assurance qu'elle s'est rendue tributaires tous ces nouueaux Croniqueurs d'infamie, & les a obligez de luy sacrifier les premices de leurs escripts. De sorte que se voyants fort pauures d'inuention & necessiteux de matiere, ils ont esté cōtrainçts de se ietter dans la Calomnie & descrite mille impertinens mēsonges, & insolēces, condānant sans aucune sorte de respect, cōme vitiieux & blasmable, ce qui par toutes loix diui-

nes & humaines est raisonnable cōme ie leur prouueray tantost. La Fortune du sieur Marechal Dancre ne sembleroit pas excessiue & des-raisonnable à Cassandre & ses semblables, si elle consideroit que ce n'est pas chose estrange ou nouuelle, ains fort ordinaire, & cōmune de voir les Roys & Princes souuerains aymer les vns de leurs suiets, plus que les autres, & apres auoir trouué leur seruice agreable, & s'estre asseurez de leur fidelité les fauoriser de recompenses particulieres : sans attendre qu'une affectiō semblable soit le prix & la recompense du merite. Et ne peut on iustement demander a une volonté souueraine & absolue, la raison pourquoy elle fauorise les vns plus que les autres. Car les Theologiens n'en peuuent rendre d'autre, pourquoy Dieu a aimé Iacob plus qu'il n'a fait Esau, quel Empire absolu de la volonté. Mais afin que ces medisans pour colorer le peu de raison qu'ils ont eu de dire, qu'une telle coustume, est vn abus de l'imperfection humaine, ie leur veux donner pour exemple le mesme Dieu, lequel entre toutes les Natiōs mit son affectiō en celle des Hebreux, & seule l'enrichit des plus singulieres faueurs que l'entendement puisse cōcevoir lesquelles l'on ne peut rapporter ny attribuer au merite. Ceste natiō n'estât pas plus parfaite que les autres peuples, comme leur Capitaine Moysse confessoit lors que pour appaiser la diuine fureur, il l'excusoit disant que c'estoit vn peuple

grossier, rude, ignorant, & de dure ceruelle: Outre que sa facilité à l'idolatrie, le peu d'esperance & fermeté qu'il auoit tesmoigné apres tant de miracles & de merueilles que Dieu en sa faueur auoit fait en Egypte, dans la Mer Rouge, & au desert, le condamnoient d'estre le plus imparfait qu'aucun autre. Et entre les enfâs de ce peuple Dieu ne voulut eslire q̃ le seul Moyse pour luy descourir ces secrets sur le sômet du Môt Sinay, estant vray (si i'ose ainsi parler) que ces merites n'estoient pas plus grâds que la dignité de son frere Aaron. Finalement commençant à ce principe, & descendant partoutes les Monarchies qui ont esté au monde iusques au plus misérables artisans qui soient entre les mecaniques, il ne s'en trouuera point qui n'ayt mis affection particuliere en l'vn de ses seruiteurs, & domestiques plus qu'aux autres, se complaisant de ses seruices & fidelité, & l'aduenta-geant de faueurs parriculieres, sans que de ceste partialité l'on puisse donner autre raison que la volonté. De sorte que cela estant commun, & ordinaire voire naturel, ie ne treuue point que ce soit chose estrange, repugnante, & reprehensible comme disent ces enuieux, que sa Maiesté accroisse de particulieres faueurs la fortune de celuy auquel sa volonté l'encline, & à qui elle est en quelque façon obligee, comme ie diray cy apres. Mais il me semble que sans chercher tant de raisons & d'exemples, ces emulateurs se pouuoient contenter de celuy que Iesus-

Christ nous a laissé, lequel entre ses Disciples
 affectionna particulièrement S. Ieā l'Euangeliste,
 & le prefera en amitié à tout le Sacré Colle-
 ge qui ne le cognoissoit que par le nom de
 l'aymé & fauorisé Disciple. De laquelle fa-
 ueur aucun ne pourra donner le merite pour
 raison. Car nul pour idiot qu'il soit ne dis-
 que les siens fussent plus grands que ceux de
 S. Pierre que nostre Seigneur trouua capa-
 ble assez pour le laisser son vicaire sur Terre,
 & luy bailler les Clefs de son Eglise militante.
 Et la raison que cōmunément ces enuieux alle-
 guent disans qu'en Frâce il ya plusieurs grāds
 & rares Personnages, lesquels par les armes
 & autres heroïques actions ont meritē la
 charge que le sieur Mareschal Dancre possē-
 de, sans auoir mis les armes en la main, ny ser-
 uuy la Couronne en action importante & mi-
 litaire, ne leur peut seruir pour colorer leur
 malice, d'autant que quand bien cela seroit,
 l'on ne le pourroit attribuer sinon au peu
 d'occasiōs qui se sont presētees ausqueles par
 les effects il peust rendre preuue de la fidelité,
 courage & genereuse resolutiō qu'il a d'em-
 ployer son sang & sa vie pour le seruice du
 Roy & de sa Couronne. Proposition & raison
 suffisante pour le rendre digne de la charge
 dont il a pleu à sa Maiesté l'hōnorer, puisque
 par cela seul Iesus-Christ treuua Sainct
 Pierre digne de sa Lieutenāce en Terre, apres
 qu'il l'eut interrogé. Ce qu'ils disent aussi tres
 sottement que sa Maiesté tres Chrestienne
 ne deuroit pas donner à vn Estranger ce qui
 est

est legitiment deu aux subiects propres & aux enfans de la France, ne peut seruir que pour tesmoigner leur maltalent, passiō, & calomnie: Car leur propre discours les cōuaint & les force à confesser que puis qu'il à l'honneur d'estre de la mesme natiō & l'āgage de la Reyne, sa Maiesté a eu raison de luy faire des faueurs particulieres, chacun par vn precepte rigoureux de Charité, estant obligé à gratifier les siens, specialemēt domestiques, plus proches, & naturels. Que l'enuieux ne s'imaginer pas aussi que i'aye donné à ceste noble correspondance le tiltre de precepte rigoureux par mon intention, fantaisie, ou particuliere opinion: car il m'est fort facile de les esclaircir, & detromper par l'efficace des parolles de Sainct Paul qui dit clairement, que celuy est pire qu'un infidelle, qui n'a pas soing des siens, & particulierement de ses domestiques. Et affin de prouuer comme i'ay promis, qu'ē quelque façō la Reyne estoit obligee à luy faire du bien, ie diray seulement qu'il me semble que l'honneur que sa Belle-mere a eu d'auoir donné la mammelle à sa Maiesté, est vn motif & cause suffisante pour l'y obliger. Estant vne espee de Tyrannie & ingratitude estrange de desnier la recognoissance des seruiecs si signallez, quand les occasions s'en presentent. Si les fideses seruiecs, honorables employs & feruens desirs se payoient de la façō que ses enuieux pretēdēt, qui seroit celuy qui voudroit captiuier sa personne & consumer sa ieunesse au seruice des

Roys? Cōment se soustiendroyēt les Monas-
 chies , la grādeur desquelles dépend du ser-
 uice, Fidelité & affectiō de plusieurs? Qui est-
 ce qui les seruiroit avec courage , si pour
 recompense on les payoit d'ingratitude? L'on
 voit clairement (Cassandre m'mie) que les
 Tayes & cataractes de la passion & malice
 t'ont creué les yeux del'entendement, de ma-
 niere que les choses iustes, bonnes & fondees
 sur la raison te semblent difformes, & repre-
 hensibles: Mais confessons nous tous deux ie
 t'en prie, & deposons toute sorte de passiō.
 Est il pas vray que toy & moy sommes mala-
 des de la maladie des chats qui trouuent puāt
 ce que l'on leur refuse ? Et comme les
 Renards , nous trouuons aigres les raisins
 que nous ne pouuons attrapper: tu ne me le
 sçauois nyer, car nous nous cognoissons, &
 sçauons que la priere des Vierges folles nous
 agree à tous. Si l'ō te dōnoit quelque charge
 honorable avec plusieurs mille liures de rēte
 iem'asseure qu'encor que tu te sente, & co-
 gnoisse incapable, ton zele feint , tourneroit
 tout soudain casaque , & mettroit incontīnēt
 sous la presse, & en vers, & en prose vn mil-
 lion de poēsmes & de discours pour magni-
 fier la iuste distribution que la Maiesté faict
 des offices & charges. Parlons à cœur ou-
 uert, & nous descouurons l'vn à l'autre, puis
 que pas vn de nous ne s'est esleué dans les A-
 sturies d'Ouiedo, & n'a pris naissāce au Chāp
 de Almadraues : Et souffrons que la raison
 demeure victorieuse, encore que le monde

en murmure, puisque c'est chose agreable à Dieu, & nous reconnoistrôs qu'il n'est point scandaleux qu'un Prince souuerain fauorise un sien seruiteur, & l'aduantage de ses recompences, sans y estre porté par la consideration du merite : Car si un Prince ne faisoit du bien qu'à ceux seulement qui les aquierent par leurs merites, estant une telle recompense de Iustice tous moyens luy seroyent ostez de môstrer sa grâdeur, & ne se pourroit pas proprement appeller recompence quand il donne à quelqu'un, ce que iustement il luy deuoit. Et en bonne escole ie ne trouuë point que la liberte permise à l'Esclaue puisse estre interdite au Seigneur : & de là infere que puis que le plus vil & miserable Ravaudeur de la ville ne peut estre repris de s'affectionner à l'un de ses apprentifs, & le fauoriser de ses moyens & de son pouuoir, ne faisant pas le mesme aux autres, sans qu'autre chose que son plaisir & volonté propre l'y conuie, à plus forte raison, un Roy souuerain sera beaucoup moins à reprendre. En quoy consisteroit l'estre Roy; si ce qui est permis au Plebeyen luy estoit imputé à vice? Et quel gouuernement seroit celuy d'une Republique, où les dignitez & charges se distribueroyent au plaisir du populaire? Je ne me puis lasser maudite Cassandre, de combattre ta passion opiniastre par viues & puissantes raison, iusqu'à ce que la Verité te confonde, & guarisse l'enragee frenaisie qui te faict extrauager. Et à fin que tu ne te puisses eschaper de mes mains par

quelque apparante ou sophistique subtilité, ie te veux attaquer en forme & en figure, & partât supposant les deux principes cydeuant prouués par l'escriture sainte & par la pratique ordinaire du monde, assauoir que le Prince souuerain peut fauoriser iustement l'un de ses seruiteurs sans estre poullé que de sa volôté, que le Roy se sentât en quelque façon obligé à vn sien seruiteur autant pour les bôes & fidelles seruices que pour quelqu'autre particuliere obligation, & iuste consideratiô, non seulemēt il luy est permis, ains il est tenu de le fauoriser sans attendre que par ses merites il ayt gaigné ce qui luy sera donné. Que si le seruiteur est trouué meritant & capable suffisamment, ie soustiens que le Prince en rigueur de Iustice, diuine & humaine est tenu de le gratiffier de toutes les faueurs & recompences que sa capacité peut porter. Supposant donc l'euidence & infallibilité de ces Principes, & les conditions d'iceux se rencontrant en la personne du sieur Marechal Dancre il faut que tu me cōcedes, necessairement que sa Maiesté l'a deu & doit fauoriser de ses biensfaicts, & recompences: & que c'est faulsemēt que tu l'as voulu faire trouuer indigne de celles dont il iouïst maintenant, & de toutes celles que sa Maiesté luy pourroit faire cy-apres. I'entends desia que ton escolle me va niant la derniere partie de la proposition mineure qui regarde le merite: mais il m'est tres-facille de prouuer ceste negatiue. Car (si nous voulons cōmancer par la genea-

logie) il n'y a pas mille lieux d'icy à Florence, ce n'est pas le Climat des Anthipodes, & n'est pas un pays privé de communication & commerce, d'où ne se puisse informer celui, lequel par curiosité voudra sçavoir quelle est sa race: & ne faut pas grande peine pour faire voir les faux Epithetes que malicieusement l'on impose à la Noblesse de son sang. Je ne veux pas dire qu'il soit de maison Royale ny des plus Illustres du monde: Mais aussi ne peut-on nier qu'il ne soit Gentil-homme de maison plus releuee que l'ordinaire de ceux ausquels l'ô donne ce tiltre: & qu'être les nobles du lieu de sa naissance il n'aye tousiours esté cogneu & respecté comme tel. D'où nous pouuons legitimemēt inferer que riē d'extraordinaire ne se trouue aux charges qu'il possède ny aux faueurs dont il est gratifié. En ce qui concerne la valeur particuliere de sa personne l'on n'en peut doubter sans luy faire tort, ne luy estant possible en un temps du tout paisible faire voir par actiōs militaires & guerriers la preuve de son grand, Noble & Fidelle, courage. Sil'on considere les vertus de l'ame, les plus mesdisants & enuieux seront merueilleusement difficiles, s'ils ne se contēt de la prudence & dextérité qu'il a monstré à pacifier les choses qui se sōt offertes en ce Royaume. Et partāt il faut conclure qu'il a toutes les parties requises en un Gentilhomme, & quel'on n'é peut doubter ny le blasmer ou reprédro pour ce regard sans luy faire outrage. Qui pourra donc l'arguer de peché ou trouuer quelque

chose a redire en sa fortune, s'il n'a la veuë de
 trauers, ou si l'ëuie & la passion ne l'offusque?
 Et pourquoy furieuse Cassandre, iugeras-tu
 scandaleuse la faueur qui luy est deuë en ri-
 gueur de Iustice, & par toute raisõ humaine,
 ne se trouuât rië de repugnât en sa persõne,
 sâgs Iugemët, Courage & Qualité. C'est pour-
 quoy ie cõclus à ceste maieure, & dis que ie ne
 sçay si les enuieux le sont plus de son merite
 que de ce qu'il possède: ce qui le doit conuier
 à mespriser les iniustes calõnies du populaire,
 puis qu'entre les Apostres mesmes l'ambitiõ
 & l'enuie peurent bien s'allumer de telle sor-
 te, que ne pouuant entr'eux dissimuler les fa-
 ueurs que Iesus Christ faisoit à S. Iean, ils en
 vinrent iusques à demander à leur Maistre,
Hic autem quid? mais Christ les fist taire en
 disant, *Sic cum volo manere*: de laquelle re-
 sponce sa Maieuté tres-Chrestienne se
 pourra seruir, quand l'esguillon, & mur-
 mure deses malicieux fresslõs luy bourdõne-
 rõt aux oreilles: car par vn, *sic eum volo manere*,
 tous leurs arguments & subtilitez seront def-
 faictes: & quant à luy il se deffendra facilemët
 de la peine que les langues meschantes &
 peruerfes donnent aux sages Lecteurs avec
 le Prouerbe Espagnol, qui dit, à parolles sottes,
les oreilles sourdes.

Il faudroit estre merueilleusement ignorant
 pour ne pas cognoistre que toute ceste sco-
 peterie ce sont coups de saluë, qui tirent d'vn
 costé & frappent à l'autre, & que le mal-
 lent que tous ces calomniateurs dissimulent

contre S. Roch ils le descouurent contre son
chien, se prenant au harnois quand ils voyēt
ne pouuoir mordre le mulet, ainsi que dit le
Prouerbe. Toutes choses se sçauent autant le
public que le secret: Car pour couuert que le
feu soit si ne laisse-t'il de rendre de la fumee.
Et n'est pas besoing de beaucoup de logique
pour cognoistre l'affirmation que ces gens
veulent inferer des precedētes negatiues, &
entre de tant de choses qu'ils font contenāce
d'abhorrer celle que plus ils desirent & re-
cherchent: car bien que l'esguille vne fois
touchee de l'aymant soit en mouuement per-
petuel, si estce qu'elle regarde tousiours vers
la Tramontane. C'est pourquoy de tous les
Antecedens dont nous auons discoursu nous
deuōs nettemēt cōclure que ce que ces petits
vipereaux souffrent plus à regret & à contre-
cœur, c'est d'estre gouuernez par le prudent
Conseil de la Reyne, ne pouuant supporter,
qu'ayant gouuerné l'Estat, iusques apresent
le Roy son fils ayt trouué bon de la faire, &
de clarer chef de son Conseil, & qu'en ceste
qualité elle conduise les affaires de l'Estat de
la mesme façon qu'elle faisoit auparauant
la Majorité du Roy. C'est l'espine qui les pic-
que, la sincope qui les esuanoüist, & la fieb-
ure qui les transporte & les rend frenetiques.
L'extreme insuffisāce que ie cognois en moy
ne me permet pas de discourir d'un obiect si
parfaict, si excellent, & si disproportionné à ma
capacité, & la prudēce sans esgalle que toute
l'Europe recognoist en nostre grande Reyne,

estant au delà de mes forces, & ne pouuant
 estre annoncee que par la bouche de la
 Renommee, legitime hystorienne de ses ver-
 tus, la foy par moy donnee à la Verité
 ne puedaussi consentir que ie laisse sans con-
 uaincre la meschanceté de ces loups enragez,
 qui essaiēt d'ecclipser ce Soleil avec les brouil-
 lars de l'enuie, & qui mesdisent & trouuent
 à redire au plus glorieux gouuernement
 & plus heureuse Regence que la France ayt
 iamais veu depuis qu'elle est commandee par
 les Roys, encor qu'il ne soit au prouoir de ces
 Chahuāts d'y reprendre chose aucune (si ce
 n'est parauanture la trop grande pieté, bonté,
 Clemence, liberalité & misericorde dont elle
 a vſé enuers tous ses subiects,) & de ses belles
 vertus, ces fiers basilics prennent occa-
 sion d'infester l'innocent mesme, & s'op-
 poser à la force de ceste verité avec intention
 de retirer le peuple de la deuotion à la quelle
 la Clemence & generosité de sa Maieſté l'a
 obligé, croyant par ce moyen empescher les
 desseins que le Ciel a deposez en sa prudence,
 cōstāce, & resolution. Si les cœurs de ses Trai-
 ttes eussēt esté tāt soit peu eschauffez du zele
 de sa patrie ils debuoyent s'estimer glorieux,
 & triomphants, d'auoir en ceste mere pito-
 yable, vn miraculeux prodige de vertu, dis-
 cretion, & Courage, ceste Souueraine prin-
 cesse estant la merueille que Salomon tenoit
 quasi pour impossible au monde quand il di-
 soit estre si difficile de trouuer vne femme for-
 te. Car si la vertu d'vne femme consiste à

tourner

tourner le fuseau entre les doigts , chercher de la leyne & du lin, & tenir ses mains fermes aux choses fortes (comme le S. Esprit nous apprend) C'est à ce patron des femmes & miroir des Reynes & non à autre que ce fameux furnom & glorieuse qualité doit estre attribuée: car elle a pris le fuseau , c'est a dire le sceptre & la cōduite de ceste florissante Couronne , consignée en ses mains par la Prouidence diuine, afin que luy defaillant vn pere qui la defendoit avec les armes, vne mere luy succedast, laquelle par son extresme discretion & prudence la conseruast & gouuernast. Elle cherche de la leyne, & du lin, car (suiuant l'opinion des Docteurs, lesquels par ces deux termes entendent l'interieur & l'exterieur) elle a conserué par sa prudence & capacité les nations estrangeres en amitié & avec sa constance, & patience admirable résisté aux tumultes & remuements interieurs & domestiques. Elle a tenu ses mains fermes aux choses fortes & difficiles, résistât seule à ce que plusieurs armées n'eussent sceu faire pour l'accōplissement de l'entreprise heroïque que le Ciel a cōmis en ses mains. C'est sans doute la fême que le seruiteur de Darius disoit estre la plus forte chose du monde: c'est la fermeté & stabilité laquelle le Ciel a voulu presenter à la France , afin qu'elle peut demander ses estreines au monde, pour auoir trouué ce que Salomon tenoit quasi pour impossible. Cassandre ne me scauroit elle mesme nier que la perfection & les Carats de cet ortres-

fin, & tres-pur n'ayent esté esprouuez par toutes sortes de ciments, & que sans perdre vn seul atome de son incorruption & bonté, il n'ayt passé par le feu & l'eau. Ce qui deueroit satisfaire pour conuaincre ces insensez d'auoir temerairement voulu reprendre la Regence de la Reyne de la moindre chose qui soit, & d'auoir trouué mauuais que le Roy ne pouuant pour encores à cause de ses tendres années, soustenir le gouuernement d'un Royaume chargé d'importantes affaires comme celuy-cy, ayt trouué bon d'en laisser encore pour quelque temps le soing & la conduite a la Reyne sa Mere, à l'extresme prudence & sagacité de laquelle cela est iustement deu, n'estant point imaginable qu'aucun prenne si à cœur l'aduantage d'un fils que la propre mere. Quand ces ignorants pour colorer leur malice, & rendre quelque raison de ce que si mal volontiers ils viennent sous ce sage gouuernement, disent que l'honneur de la nation Françoisse est fort interessé d'estre sous-mis à la volonté d'une femme, ils ne considerét que la signification seule du nom de femme, & ce qu'il sonne estant generallymēt pris, & ne voyent pas qu'il ne peut estre simplement appliqué à nostre grande Princesse sans le surnom que Salomon luy donne, puisque sa force & sa constance surpasse celle de plusieurs Roys. Et me semble que le mescontentement que ces esprits legers témoignent d'estre sous-mis au gouuernement de la Reyne, est vne bonne & tressolide

preuue de la fermeté de ceste grande Reyne.
 Car estâts naturellemēt remuans & instables,
 il n'est de merueille qu'ils abhorrent ce qui
 est contraire à leur nature. Peut estre que Cas-
 sandre, & ceux de son academie voudroyent
 auoir vn Roy de cire qu'ils peussent faire &
 deffaire à leur fantaisie & imprimer enicelluy
 les images & les formes que leur appetit leur
 dicteroit. C'est le bon gouuernement qu'ils
 desirent & recherchent. Mais d'autant que
 les choses subiectes au flux & remuement, le
 sont aussi à la corruption, Dieu lequel par
 prouidence particuliere fauorise ce florif-
 sant Royaume, y a transmis du Ciel pour en
 empescher la perte & la ruyne, ceste assen-
 blee Colonne, affin que fixement elle ar-
 restast par sa constance l'instabilité & trop
 grande legereté de telles gens, & preseruast
 par le sel de sa prudēce la corruptiō qu'ils eus-
 sent peu engendrer dans le corps de l'Estat.
 Comment oses tu medisant Cassandre reprē-
 dre en despit de la Verité, la façon du gouuer-
 nemēt de ceste colonne de l'Empire François,
 dans laquelle le Ciel a graué le *non plus ultra* de
 Noblesse, Prudence, discretion & debonnai-
 reté? Mais puisque contre la Loy du Ciel & la
 reuerence que tu dois à ta Deesse Conserua-
 trice, tu luy vas piquant les talons, tu peux biē
 t'asseurer qu'elle tes crasera la teste, & qu'avec
 tes semblables tu seras ietee dās les tenebres
 exterieures, ou avec pleurs & grincements de
 dents l'on donnera à eux & à toy, le iuste
 chastiment que merite vne telle desloyauté.

Ne pense pas aussi Demon Infernal engloutir le monde avec tes desseins enragez, ny diuertir le peuple à ta deuotion par les viperines persuasions & tromperies que tu vas ourdisant, luy voulant persuader qu'il est important à la liberté & au repos de la patrie de s'opposer à la resolution que le Ciel, La Reyne, Monseigneur le Prince, & les plus eminens Officiers de la Couronne, ont approuuée & trouuee bonne, iuste, & necessaire. Car le Grand Saint Michel Ange de la Iustice, scaura bien par son autorité empescher que par tes enchantemens & maudite zizanie le siege Royal auquel Dieu a fait seoir nostre Grand Louys soit tant soit peu esbranlé, ny quel'on se retire d'un poinct de la foy donnée, & de l'entreprise commancee. Assure toy que le but où tu pretendes en procurant d'esmouoir le peuple (quand tu dis que le bon ordre du gouuernement de la Reyne, est un desordre) ne sera pas si glorieux que tu estimes. Car ie me promets qu'aucun n'adiouftera foy à tes calomnies. Mais dis-moy: Est il pas vray qu'encor que le Ciel ayt aduancé la prudence aux tendres années de nostre Auguste Prince, & l'ayt doué de science suffisante pour gouuerner ses Estats & son Empire, il estoit toutesfois necessaire que sa tres-sage Mere suppléast l'experience que le Ciel ne luy pouuoit donner, & la cognoissance que le bon pasteur doit auoir de ses brebis, à fin de les bien gouuerner. Le Conseil que tu veux blasmer, est-ce pas un Conseil de Mere prudente

te & bien experimentee? Commēt donc peux tu sans impiet  dire qu'il sera nuisible au fils estant certain que l'on n'en peut attendre qu'une yssue tres-vtile, necessaire & glorieuse, & vn fruit lequel ass urera les subiects, & tiendra les estrangers enuieux & ennemis en bride. Et toy furieuse beste, Pacifique turbulent tu te brusleras dans le feu de ta rage & rongeras tes propres entrailles ne pouvant exploicter les espines de ta pretendue zizanie. Car nostre Grand Pere de Famille la tranchera au temps de la moisson, en sorte que le grain de la paix que tu auois saintement protest e demeurera net & purifi . Et lors l'on decouurira l'ambition maudite qui t'embrase, & que tu fondes sur l'esmotion & mutinerie que tu t'efforces d'allumer parmi la populace, essayant par ce moyen de couvrir la main qui lance le coup sous la nuee du tumulte & sedition : imitant en cela le rus  pescheur qui espere vn meilleur coup de fili  quand la Riviere est plus troublee. Ass ure toy aussi que si la pestilente semence de ta doctrine tombe dans vne terre tant soit peu humide & prend quelque accroissement, il faut que tu tiennes pour certain que les oyseaux du Ciel la viendront gratter & deraciner entierement, en sorte qu'ils en feront vne simple matiere destinee pour les flammes. Nostre Grand Monarque, l'Aigle & le Chef de l'invincible sang de Bourbon, suyvi de ses tres-fidelles Princes & seruiteurs comme des oyseaux tres legers avec leur vigilant & seruent zele vont tra-

uerfant les airs de ce Royaume François, & ne permettront pas que ceste maudite semence, pernicieuse au repos & tranquillité de la patrie, preiudiciable au respect qui est deu à nos souuerains Princes, iette des racines ny croisse parmy le peuple facile à persuader. C'est vous Braues & genereux Princes que ie coniure de toute mon affection, & puis que vous estes la base & les colonnes de la France, Peres & Princes de ses habitâs, telmoignez côme vous auez tousiours fait le charitable & tres-ardêt amour que vous auez pour la Couronne: nettoyez-là de ces animaux immôdes, à fin qu'au ecle mortel venin de leur passio enragee, ils n'infectēt la simplicité du populaire, & le destournāt sous le faux pretexte d'une feinte liberté de la veritable, & fidelle obeissance qu'il doit à son Prince souuerain. Contribuez ce qui est du vostre à l'execution de la genereuse entreprise à laquelle nostre Roy par inspiration particuliere de Dieu s'est engagé: montrez par vostre presence & autorité l'amour de la patrie, & fidelle obeissance que vous deuez à vostre Roy. Et si par fortune le poison de ces fiers basilics receuoit force & aliment par le secours de quelques impies, & nouueaux auteurs, & qu'ils continuent d'inciter le peuple à mutinerie & sedition pour le porter à suiure leur furieux desseing. (ce quel'on ne pourra attribuer qu'à vne obstination produicte par le Demon Cathedran de pestillence:) l'adiure Sainct Michel l'Ange: & tous les assistans qu'ils bannissent

du Ciel ces malains Esprits, & que par vn chastiment exemplaire ils arrestent la fumee, & la poussiere qui se va esleuant du feu, & du bruiet que ces Ministres infernaux vont allumât, & embrasant, crainte que s'il n'estoit appaisé soigneusement, & diligemment il ne vint à monter aiusques à la quatriesme sphere; & quand bien le Soleil n'en demeureroit obscurcy (ce que Dieu par sa bonté ne permettra iamais) la moyenne region de l'air n'e demeure infectee. Et que puis que ce grand Ange que la iustice represente fut entre toutes les Hierarchies, le plus affectionné a la deffence de l'honneur de son Dieu, renuerfa celuy qui se vouloit asseoir sur les estoilles, & se rendre égal au tres-Haut; qu'ils poursuivent l'entreprise commancee avec la fidelité & l'amour cordial enuers leur Prince, qu'ils ont tousiours tesmoignee, bouluersants ceux lesquels d'une vaine presumption & d'orgueil obstiné voudroyent esbranler le Throsne de nostre grand Prince, & semer en dauoir de s'asseoir sur les resplandissantes estoilles de son Ciel, desguisant leurs volonteiz maudites par des intentions peu droictes, en fausses apparéces de liberté dont ils se seruent, afin seulement de broüiller, & renuerfer la tranquillité & le repos que le Ciel, promet à la Couronne par le moyen de ceste heureuse Alliance.

Et vous Noblesse Françoisie ie vous inuite par les genereux courages que vous couurez en vos poictaines, & vous adiuers de vous ac-

quitter de l'obligation que vous auez à Dieu,
 & au Roy, luy faisant veoir par effects & har-
 dies resolutions la fidelité & ferme esperance
 qu'il a de vous, non seulement en accom-
 plissant ses entreprises & resolutions, ains aussi
 s'animât cōtre ceux qui s'opposeront à la ius-
 te deliberation, afin que la froideur & lasche-
 té des plus nobles & illustres d'entre les pro-
 pres subiects ne refueille la malice & l'ob-
 stinatiō des mal affectiōnez, & du vil populaire.
 Courage ieune dauid, que testēdres années
 ne t'estonnēt point, que la deformité du Geāt
 Goliath, ny la persecution de Saül ne t'éron-
 ne point, car Dieu est de ton party, & a ton
 secours, qui humiliera ces superbes & abais-
 sera l'orgueil de tous tes ennemys sans qu'il
 tombe vn seul poil de ta Royale teste. C'est
 luy qui te promet certaine victoire de tou-
 tes les difficultez & guerres, desquelles tes ad-
 uersaires te peuuent menasser, & d'asseurer la
 fermeté de ton Royaume que les fausses, &
 mensongeres persuasions de ces sepulchres
 dorez te rendent incertaine & perilleuse. Tu
 triionferas, n'en doute point de tous tes enne-
 mis & mesdisants qui auront pour partage la
 fureur, & la rage de veoir la grādeur de ta fortu-
 ne, & les fides & deuots enfans de ton
 peuple ioyeux & triomphans iront au deuant
 de toy chantans le triomphe avec diuers in-
 struments d'allegresse & resiouyssance com-
 me au veritable Dauid: Tiens pour certain
 souuerain Monarque que le ser pēt qui vou-
 dra trauerser le voyage que si genereusement,
 &

& diuinement inspiré tu vas entreprendre,
 n'aura rien d'horrible, & d'espouventable
 quela surface, & l'apparence. Et si tost que
 tu te resoudras de le parfaire, il se conuertira
 en vne autre verge de Moyse. Ne t'esbranle
 point, & ne retarde ton heroiique dessein
 pour les discours de quelques loups desgui-
 sez sous les peaux de moutons qui te viennent
 à la rencontre, car ils ont le cœur corrompu &
 leurs voix sont come la voix de la Hyene qui
 feint vne voix humaine pour desmembrer
 celuy qui se laisse persuader a son chant. Tu
 meynes avec toy le diuin Oracle lequel avec
 amour, & verité parfaite respondra par sa-
 lutaires Conseils, & preuoyances à toutes les
 difficultez qui se pourront offrir. Garde toy
 bien de l'abandonner & t'en separer d'un
 seul point, & de t'esloigner de sa volonté,
 ains luy obeis: prens son Conseil, & te laisse
 conduire par le chemin qu'il te guidera. Que si
 quelques Pseudoprophetes, deuins ou sçageurs
 t'apparoissent, & se figurent sous plusieurs
 apparences de religion comme mauuais, &
 detestable ce que ton fidelle Oracle trouue
 bon & asseuré, n'admits point leurs venimeu-
 ses raisons, qu'elles ne te destournent point de
 ton entreprise commancee. Croy pour cer-
 tain qu'en tout ce que tu entreprendras Dieu
 fera avec toy & qu'il fera prosperer les œu-
 res de tes mains sans que creature humaine
 puisse s'opposer à ta force & puissance. Et toy
 vaillante Iudith, Reyne & mere de ceste florif-
 sante Couronne entends les voix de tes fidel-

les subiets lesquels attendent de ta valeureu-
 se main l'heureuse yssue de tes desseins, & le
 triomphe & l'exaltation de la paix par la mort
 que tu donneras a ces Olofernes & a leurs ar-
 mees. Par toy seule nous recueillirons les es-
 perances qui nous assurent de la peur que
 tes enuieux nous veulent imprimer. En ta con-
 stance & force seule consiste ceste courageu-
 se entreprise que les ennemis de la paix essa-
 yent de troubler, appuyez sur l'esperance que
 les tendres anneés de nostre Roy leur pro-
 mettent. Faits souveraine Princesse que
 tes emuleurs & enuieux essayent par expe-
 rience que tu es la femme forte que Salomon
 alloit cherchant, & que puis que tu as tra-
 uailié en la laine, & au lin tu as aussi les mains
 fortes & valeureuses, affin que suiuant le di-
 re des seruiteurs de Darius, l'on voye que le
 Roy, la Femme, & la Verité sont les choses les
 plus fortes qui se puissent trouuer au monde
 & que les Carats de ta valeur esprouee par
 tant de Cimens ne se peuuent diminuer ny
 deffaïre avec le feu ny avec l'eau de quelque
 opposition ou cōtraste qui se puissent offrir:
 Que les brouillards & nuages de ceste region
 ny les tonnerres & les esclairs qui les suivent
 net'espouuantēt point car ils se conuertiront
 a la parfin en eau douce & agreable Et s'il tū-
 be quelque foudre ou quelque bluette assen-
 re-toy qu'il n'aura pas la force de brusler
 vne feuille toute seule de tes arbres ny le plus
 sec espi de tes moissons ains au contraire qu'a-
 vec toute sa fureur il precipitera au Centre,

de la Terre ou il demeurera enseuely pour
 tousiours, & soudain larc en Ciel paroistra,
 Arc de paix & de confederation avec lequel
 respaïs seront asseurez par la diuine promesse
 qu'aucun deluge ou inondation ne les pour-
 ra inonder ou endommager. Que les mena-
 ces de Cassandre, & autres semblables faux
 Prophetes n'imprimēt pas aussi quelque for-
 te ou espee de crainte, en ta fantasie t'ima-
 ginant qu'ils prophetisent au nom & selon la
 volonté du peuple les impertinēces, & hyper-
 boles qu'ils ont coulees dans leurs imprimez.
 Car la foy de tes vassaux est plus ferme & plus
 veritable que ces furieux croniqueurs ne la
 depeignent, & s'il se trouue quelque sorigno-
 rant & insensé lequel fermant les yeux a la
 raison entreprend de s'opposer a la volon-
 té celeste, & desnier l'obeyssance qui t'est
 deuë asseure-toy que le nombre infiny des sa-
 ges, discrets, & ialoux de la reuerence qui est
 deuë a ta Royale personne rompra la force
 de ceux qui apostasieront de ta sainte resolu-
 tion, laquelle le Ciel fera prosperer, & t'as-
 seure que, *Angelis suis mādauit de te ut custodiāt te
 in omnibus vijs tuis in manibus portabunt te ne for-
 te offendas ad lapidem pedem tuum. Et super assidem
 & basilicum ambulabis & conculcabis leonem, &
 Draconem.*

F I N.

19







